

وفی ۱۹ تموز سنه ۱۳۲۶

فی ۲۵ رجب سنه ۱۳۲۸

پازار ایرتسی

جمعیت علمیة اسلامیه نك ناشر افکاریدر

مدیر مسئول :
مکتب قضاة معالمردن
کلیسی منیر

سر محرر :
فاتح مجیز درسعالمردن
نوقاد مبعوثی
مصطفی صبری

صاحب امتیاز :
فاتح مجیز درسعالمردن
استانبول مبعوثی
مصطفی عاصم

مندرجات

تاریخ اسلام صحافندن طاهر المولوی	مسافر فاضله نطق
اسلامده علوم وفنون ع . عاطف	ادبیات
وعظلمزدن	ماتمزده بر والده ع . عاطف
مسلمانلرده عائله حیاتی احمد شوق	عشقنامه طاهر المولوی
	شکوفه بهارستان طاهر المولوی



نسخه سی ۱ غروشدرد

آبونه اجرتی (پوسته اجرتیه برابر در)

مالک اجنبیه ایچون :
۶۰ ، ۲۰ فرانق
» ۳۰ ، ۱۰

استانبول وولایات ایچون :
بر سنه لکی ۶۰ غروش
التی آیلنی ۳۰ »

درج اولنمیان اوراق اعاده ایدلمز

قارئلمزده

اکثر مقالاته آیات کریمه واحادیث نبویه درج ایدلمش بولندینی نظر اعتبارده آلهرق رعایتسز لکده بولنمامسی رجا اولدور .

در سعادت

محمود بك مطبعه سنده طبع اولنمشدر



پازار ایرتسی کونلری نشر اولنور دینی ، ادبی ، سیاسی وفنی هفته لق غزته در .

تاریخ استیلا صحنه

وقعه فیل :

مابعدی

فیلک بیانندن اول — بوبابده براز ایضاحات ویرجکیز :
حال حاضر خرابیسنه رغما بمن قطعه جسیمه سنک مدنیت
وعمرانی یک قدیم اولدیغنی و (قحطان بن عابر « هود
علیه السلام » بن ارفحشد بن سام بن نوح علیه السلام)
هجرت سنیهدن ۳۰۶۵ سنه اول خطه مذکورده بر
حکومت تأسیس ایتدیکنی مورخلر یازیور .

قحطانیه ، حمیریه ، تباعه نامرلیله یاد ایدیان بو
دوات قدیمه نك — اسملری اونوتولانلردن ماعدا —
یوز قدر حکمداری تاریخ کتابلرنده مسطور اولوب
ایچلرنده کرك فتوحاتی ، کرك اجرا آتی ایله اشتهار
ایله مش یک چوق ذوات کیشدر . از جمله بونلردن
(یعرب بن قحطان) واردرکه (حسان بن ثابت) رضی
الله عنه حضر تلمینک :

تعلمتم من منطق الشيخ يعرب
اينا وصرتم معربین ذوی فقر
وکنتم قدیمًا مالکم غیر عجمه
کلام وکنتم کالبهائم فی القفر

(ولادت وبعث پیغمبریدن مقدم ظهور ایدن خوارق
عادات) دیک اولان ارهاصات سنیهدنک مهملرندن
بری ده فیل وقعه سیدر . معلوم ارباب عرفاندرکه هدم
کعبه الله فکر لئیمیله مکرمه جوارینه کله رکه غضب
الهی به اوغرایان بو فئه باغیه حبشلی اولوب — بمن
استیلاسنده نجاشی طرفدن اورایه والی نصب ایدیلان
(اریاط) ک معیتده بولوندقن صکره اون قتل ایله
یرینه کچن — (ابرهه الاشرم) ک قومانداسنده ایدی .
ترکه تاریخ اسلام کتابلرنده حبشک یعنی نه مناسبتله
استیلا ایلدیکنه وابرهنه حکومت یمانیه بی نه صورتله
الده ایتدیکنه دأر معلومات لازمه اولمادیقندن — وقعه

عجمسار ، بونی (فلیپ) ک حفیدی و (دارا) نک باباسی (درابک) اوغلی ظن ایدرلر . کویا (داراب) فلیپ قیزی (ناهید) ی تزوج ایتشکن آغزی قوقویور دییه پدرینه کوندرمش ، ناهید حامل بولمغله عودتنده اسکندری طوغورمش . بالاخره اسکندر ، برادری دارایه غلبه چالارق پدرینک تختته اوطورمش !

(اسکندر رومی) دینان بودر . برده (اسکندر ذوالقرنین) واردرکه نبوت وولایتده اختلاف ایدیلان و نامی قرآن کریمده مذکور اولان ذات عالیدر . یمنده اجرای حکومت ایدن حمیرلردن اولوب اسمی (صفب) یعنی (ذوالقرنین) ایدی . اسکندر عنوانی بوکاکسکرادن طاقا بر شیدر . بو ذاتک ابراهیم علیه السلامک معاصری اولدیغنه ونی مشار الیه ایله مکده کوروشوب معانقه ایتدیکنه دائر ابن عباس رضی الله عنہادن مروی بر حدیث شریف واردر .

(قاموس الاعلام) صاحبدییه داخل اولدیغی حالده اکثر مورخین بو اسکندرلرک وقایعی بر برینه قاریشد . یروب ایکسینی شیخص واحد عد ایتشلرسته بر آدمک هم یمنلی ، هم ماکدونیسالی اولامایاجنی کی عصر خایل اللهده یاشایان بر ذاتک زمان روح للهیدن اوچیوز بوقدر سنه اولنه کلنجهیه قدر بر حیات قالامایاجنی طبیعی بولوندیغندن مورخلرک بطلال فکری میدانده در .

حضرت خضرله آب حیات تحریرسته کیدن اسکندر ، حضرت ذوالقرنیندر . بناء علیه اسکندر لفظی ؛ سد ، خضر ، ظلمات ، آب حیات کی کات ایله ذکر ایدیلرسته بو ؛ آینه ، جهانگیرک ، دبدبه ودارات مثالی تعبیرات ایله ایراد اولونورسه اسکندر رومی آکلاشیلیر :

اگر مقصود اثرسه مصرع بر جسته کافیدر

عجب حیرتده یم بن سدا اسکندر خصوصنده

راغب پاشا

یتلرندن اکلاشیلدیغی اوزره لسان عربک اصلاح و تعمیمنه چالشمش واقوام باندۀ بقیه سنی قهر و تنکیل ایله اساس حکومتی تحکیم ایشدر .

کذا (عبد شمس سبا) واردرکه مهیب و فعال بر ذات اولوب مصره هجوم ایله بر چوق اسیر سی ایتدیکندن سبا لقبی آلمش و مصرده (عین شمس) بلده سنی یاپدیردیغی کی (مأرب) ده تذکیر نامی ایچون (سبا) [*] شهرنی بنا و (سد مأرب) ک انشاسنه ابتدار ایتشدر .

زماننده سویلندیکی روایت اولونان :

لقد ملک الآفاق من حیث شرقها
الی الغرب منها عبد شمس بن یشجب ،
له ملک قحطان بن هود وراثه
عن اسلاف صدق من جد و دمن اب
یتلری بونک اثنیۀ فتوحاتنددر .

کذا (حمیر) واردرکه — دولت حمیرییه بوکانبست ایدیلیر — یمن ملوکنددن ابتدا التون تاج کیمش وزماننده توسیع حکومتله تزید معموریته چالشمشدر . کذا (ذوالقرنین) واردرکه بین العوام (اسکندر ذوالقرنین عنوانله معروفدر .

وقتیه یازمغه باشلاوبده مشاغل و غوائل الجاسیله اکماله موفق اولمادیغ «ترکجه ده مستعمل کات و تراکیب فارسیه» یی احتوا ایدجک بر لغت کتابنده اسکندر کله - نی ایضاحاً شو سطری یازمشدم .

«اسکندر : ماکدونیا قرالی (فلیپ) ک اوغلی اولوب ایران پادشاهی (دارا) یی مغلوب و مصر ایله هندی استیلا ایدن جهانگیر مشهوردرکه عصرنده کی حکمدارانک کوزلرینی بیسلدیردیغی و بتون جهانی برک خزان کی تتره تدیکی حالده میلاد عیسادن ۳۲۳ سنه اول ۳۳ یاشنده ایکن ترک عالم کیرودار ایله مشدر .

[*] بو بلده خیلی مدت حمیرلرک پای تختی اولمش و بالاخره مراکز حکومت صنعایه نقل ایدلشدر .

قدر جزئی الفاظ ایله افاده ایملرلردی . ایشته بو طرزده یازلمش تحریرانده اک بلیغ خطبه لر قدر حسن تأثیر مشاهده ایدیلردی ، کویا ظهور اسلامدن صوکره بلغای کتاب ، خطبا مقامنه قائم اولمشدی .

تاریخ کتابلرند بونک بک بارلاق نمونه لرینه تصادف اولانور ، از جمله عمر بن عبدالعزیزک اشتکا اولنان بر والیه : شکایت خوانک آرتدی ، ثنا کویان آزالدی ، یاعدات ، یاعزالت اوتسدر ! مألئسه اولهرقی یازدیغی شو : « کثر شا کوك و قل شا کوك اما اعتدلت و اما اعتزلت والسلام . » سوزی او بولده ویریان امرلردن معدوددر .

محررات و مکانباتده بواصول ایجاز - فتوحات نتیجه سی اولهرق - اهل اسلامک عرب اولمایان اقوام ایله اختلاط ایتدکاری زمانه قدر دوام ایتمشدر ، بوندن صوکره هجرت سنیه نك قرن ثانیسی اوائلنده عجملردن تطویل اصولی اقتباس ایدلمش و بو اسلوبک ایلك سالکی یوز اوتوز ایکی سال هجریسنده وفات ایدن کاتب مشهور عبدالحمید اولمشدر ، مشاهیر بلغا و امرادن یحیی بن خالد برمکی ، فضل بن ربیع ، صاحب بن عباد . بن عمید ، عمادالدین کبی ذوات اونی تقلید ایلشلردر .

مؤلفاته کلنجه : بونلردن ادبی موضوعلره عائد اولانلری بلاغت طبعیه محتاج ایدی اونک ایچون اکثر مؤلفین ، عربک شعر و خطبه لرینی تدقیق ایدهرک طوطد . قلمری اسالیب افاده یی اوکره نیر و حاصل ایتدکاری ملکه ادبیه ایله او طرز اوزره اثرلر یازارلردی ، مع ذلك اوللری کندی طرفلرندن چوق برشی علاوه ایتبوب عربک اقوالنی پارچه ، پارچه آلیر ، (حدشنا فلان) یاخود (اخبرنا فلان) و یاخود (خطب فلان) دیمکله اکتفا ایدرلردی ، هجرتک قرن ثانی اواسطنه مصادف اولان مبرد ، جاحظ ، ابن قتیبه و سائر نك آناری هپ بویولده یازلمشدر .

احتیاجک یوق سنک آینه اسکندر
جوهر دانکده روشن هر مثاک صورتی
نورس

بوکله یی فنی نك :

سکندر سیرایسه کده سد نطق ایت پیش کاملده
فلاطون حقیقت بینه نقل ماجرا اولساز
بیتمده اولدیغی کبی همزه نك خذفی وسینک کسریه
تلفظ ایتک شیوه حاضر عثمانیه موافق دکلدر .
مابعدی وار
ظاهر المروری

اسلامده علوم و فنون

مابعد

اهل اسلامک طرزانشاده کوستردیکی قدرت بلاغت قرآنک تأثیراتی اثری ایدی ؛ چونکه او کتاب الهی ، فصاحت و بلاغتک بر مثال ملکوتیسی کوسترییوردی ؛ بوجهته مسلمین ، کرک خطبه لرند ، کرک انشالرنده او فرقان حکیمک اسلوب سوا یسنه اتباع ایدرلردی قرآن کریم قسم کایسنک حافظه سنده یلشمش اولد . یغندن اولملکه بلاغت - قصد ایتسه لر بیله - اسلوب قرآنه اقتفاء کندی کندیسه حصوله کایردی ؛ بونک ایچون اسلامک ظهوریه لسان عرب ، فصاحت و بلاغت نقطه سندن بر طرز جدید اکتساب ایتمشدی ولو صورت متفاوتده اولسون کتابت و خطابتجه لسانده بریکیلک منجلی ایدی .

دولت اسلامده محررات ، اوللری تهدید و نصیحت ، امر و یا استرحام کبی مقاصدی افاده ایتک ایچون طرز بیسانک تخالفیه برابر طبق خطابت طرزند ایدی ، جوامع الکلمه انجذابلرندن طولایی اختصار و ایجازده صوک درجه اهتمام ایدر ، بر چوق معانی یی اقل قلیل دینیه جک